



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

14. S. Bennonis, & S. Maurlij prodigiosus reditus, sorte & indicio clauium repertarum.

urn:nbn:de:hbz:466:1-45653

Arcadicum pecus, aut asini aut mulæ, aut bouis, aut vaccæ stupi-
2. Reg. 18. 9. ditatem, ad prudentiam erudire. Cum rebellem filium Absolo-
nem vellet Deus infelici arbore suspendere, mula carnificem egit:
potest eadem etiam, si Deus vult, agere præceptorem. Vnde mul-
tò stultissimè agunt, qui inde se excusant à diuini Verbi auditione,
quod Parochos habeant & simplices, & non satis doctos. Per be-
fiam te potest summus Magister instruere, quid quæris Platonem?
Ipsi Apostoli nonne simplices fuerunt, atq; illiterati? Quid tunc
fecisses, an Petrum pescatorem, aut Nathanaëlem verum Israeli-
tam, in quo dolus non erat, concionantem audire noluisses? Sed ad
Sortes, immo fortientes enumerandos reuertamur.

XIV. Notissimus est D. Bennonis Episcopi & piscis & claves, cui
Venant. For similem, sed non æquè notam historiam, ex Venantio Fortuna-
tunat in vi- to Episcopo Pictaviensi, qui tempore Iustini junioris An. 570. flo-
ta D. Mauri- ruit, referam. D. Maurilius Mediolanensis D. Martini discipulus,
lij cap. 15. & multis magnisque miraculis clarus, quem Andegauenses Pontifi-
Sur. tom. 5. cem habuerunt, paulo postquam à S. Martino columba candidis-
die 13. Sep- sima super caput eius descendente, initiatus erat, in D. Petri tem-
temb. pllo solenniter fecit. Dum sacrificaret, adfuit, cum moribundo fi-
lio matrona illa, cui, ante id tempus, sterili eundem precibus à
Deo impetraverat. Ea matrona, non vitam corporis gnato, sed
Spiritum S. postulabat manuum impositione, seu Confirmationis
atque extremæunctionis fortasse etiam sacramento impertiendū;
pulcherrimo matrum documento, ne mysteria tam sacrosancta
luctui & lamentis suis posthabeant, sed ut regnum cælorum in-
primis medicumque animæ antè, quam corporis querant. Mau-
rilius nequaquam rem præcipitare sacram affuetus, sed diuinis af-
fectibus absorptus, dum in corpore & sanguine Seruatoris conse-
crando moram trahit, desinit puer trahere animam; atq; ita hic
priùs vitam, quam ille Missam absoluit. Audite, obsecro, rem mi-
rissimam, & æri, immo pectori omnium Episcoporum ac Eccle-
siasticorum penitus insculpendam; eorum autem præsertim, qui
dum visitant ditionem, dum Sacramentum Chrisma conferunt,
lustrum est; aut qui lusibus symposisque, cum morte & Styge lu-
stantium, agones negligunt, eosque sine culparum expiatione, sine
extrema Vnctione, sine cœlesti viatico emori sinunt, ne suas co-
gantur interrupere compotationes ac ebrietates. Non sic Mau-
rilius, non sic fecit; puer, sine Confirmatione decessit, illo non-
perpotan-

pérpetante, sed ad sacram mensam operante, libantéque sanguinem Christi. Quis eum non excusaret? quo altero negotio sanctiore occuparetur? immo quis religioni sibi non duceret, eo loco, interiungere? At longè aliter calculum duxit sanctus ille Præfus. Nam postquam *Illicet*, dixit, vbi cognouit, puerum vixisse, inconsolabilibus lachrymis negligentiam suam deplorauit, sibi attribuens, quòd ille chrismate atque sacro oleo non vñctus, sine tanto dono, vitam finiisset. Hic cupio omnes mortales diligenter perpendere, quanti vel leuem culpam faciant, diuinorum iudiciorum gnari. Nam Maurilius, quoniam delictum istud nullo fletu ablui posse arbitrabatur, diu multumque, quid ageret, animo secum colluctante, statuit, domi ac inter ciues, tale piaculum lui non posse, sed voluntario exilio puniendum. Consilio hoc capto, clam profugit, incogitansque secum claves asportat, quibus Reliquiae Diuorum, in Andegauensi Ecclesia, custodiebantur. Sollicitus exul nullum satis remotum securumque exilium existimabat, nisi quod mare interpositum muniuisset. Ad littus vbi peruenit, dum nautæ morantur ventumque expectant, ne nihil ageret, per otium, in lapide, diem nauigationis suæ incidit, noménique adiecit, à nullo vtiq; Andegauensi reperieridum. Conscensâ nauj, atque in altum proiecta, tum demum cœpit aniniaduertere, claves sacri thesaufi secum ablatas: easque, cum manibus versasset, subito, dæmonis inuidia excussas atque in mare esse prolapsas, dupli dolore angebatur. Quamobrem, non sine pio fletu, exclamauit, se, nisi has claves iterum videre meruisset, patriam urbemque, non reuisurum. Et sanè, ante integrum septennium, non reuifit. Tanti etiam Deus vel leuem, vt nobis videtur, labeculam facit. Quot annis, aut quibus pœnis castigaturus est, eos qui, non Sacrificij, cum consueta pietate, absoluendi cauilla; sed vt dormire, & edormire crapulam, vt perpotare, vt ludere possint, tot deferrunt moribundos? tot oues negligunt, neque instruunt illis doctrinis, sine quibus æternam salutem non consequuntur? Decimas suas accuratè exigunt, vt habeant, vnde viuant. Sciant & oues exigere pabulum spirituale; quo subducto, illis est pereundum. Quid ergo tunc eiusemodi pastoribus continget? an septennij exilium illis sufficiet? Nequaquam, sed, ob vnamquamque ouem æternū, illorum negligentia, pereuentem, æternū sunt, perituri. Sed reuertamur ad nonstrum Maurilium. Is, nauigatio-

ne superata, vestem mutauit, ne agnosceretur; vtque corpus as-
ſiduis laboribus diuexaret, Hortulanum profellus. homini prima-
rio operam condixit. Eo in opere apparuit, quanti referat, qua-
manu quid feratur, quāmque ſalutaris sit imber diuinæ benedi-
ctionis. Siquidem quidquid ſeminauerat, quidquid plantauerat,
incredibili auctu fænorēque proueniebat; adeò ut non ſolum
omnibus ſufficeret, ſed etiam nunquam deficeret, quod culinis
ſuis petebant. Hęc fertilitas & gratia horti magnam illi gratiam
amorēmque conciliauit; tandemque, etiam extra Phæaciam, pro
Alcinoo habebatur, Alcinous pariter plantando, & Onias, pro po-
pulo ac ouibus suis identidem orando.

XV.

Interea Andegauensis populus pastore ſuo viduatus ab-
ſentiam illius ſemper magis magisque ſentiebat. Deearat enim qui
iūſſu dæmones fugaret, oratione ægros sanaret, ſigno crucis cæ-
cos illuminaret. Quin è cælo quoque, per varia viſa admoneba-
tur, pérque portenta terrebat, ne deſes eſſet in Antifite ſuo
quærítando, ſi vellet imminens vrbi excidium declinare. Adeò
Deus bonos pastores cordi habet, & populum pastoris amantem
amat; ut etiam terreat, & puniat, ſi non ſatis curet curatorem.
Quem tantò impensiū curandum, vel inde docemur, quòd vnius
Epifcopi ſanctitas poſſit diuinæ iræ obſtare, ne tota aliqua ciuitas
euertatur. Electi ſunt igitur, communi consilio atque impensa-
viri quatuor probatissimæ virtutis, qui omnibus rebus necessarijs
inſtructi, per diuerſas orbis partes, Præfulem quæſitum proficiſce-
rentur. Hi omnem ferè Europam perlustrarunt fruſtra, septimō-
que tandem anno, re infecta, in Galliam reuersi, quem eis mare
nō repererunt, trans mare indagaturi, diuino ductu, ad eum Ocea-
ni portum, qui in Britannia minore eſt, peruenierunt. Ibi dum na-
uim expectantes, temerè aliquot ſpatijs factis, per littus, obambu-
lant, in ſilice inſcriptum inueniunt: HIC TR A N S I T M A-
R I L I V S A N D E G A V O R V M E P I S C O P V S &c. Ea in-
dicina lāti nauem, & mox mare intrant. Ad medium progreſſis,
ex improuifo, grandior pifcis, potenti saltu, de gurgite in nauim
ſe librat, in quo exenterato eas ipsas ſacrarum Reliquiarum cla-
ues, quæ de S. Mauriliuſ manibus, ante tot annos, arte dæmonis ex-
ciderant, benignitate Numinis iterum inueniunt. Quibus agni-
tis, haud mediocri pauore percuſi timuerunt, ne & ipſe Maurilius
naufragio haſtus perijſset. Anchoras iaciunt, & nauē ſtante in-
medium.

medium consulunt, progrediendūmne sit, an patria repetenda? Suadebant potenter nautæ, actum esse, reuerterentur, claves notas hausti fluctibus Mauriliū evidens iudicium haberi. Dum consulunt, nox subit, & somnus, & cum somno omnibus mandatum à Deo datur, ut cæpto itinere pergant, neque cessent Antistitem suum inuestigare. Hoc somnio uno eodemque omnes vñi non censuerunt retro, sed porrò nauigandum. Quare, Angelō duce, & portum obtinuerunt, & hospitio circumspecto, non in hospitium, sed in eas ipsas ædes delatis sunt, in quibus Maurilius topiam factitabat. Vix domum ingressi audiunt illicè desideratissimum nomen Mauriliū, vt cum oleribus præsto esset, inclamari, vidēntque quasi mediastinum, cum oleribus accurentem. Mirificum tunc extitit gaudium, summāque admiratione stupefacti, ad illius se pedes abiciunt, atque vbertim lachrymantes, summa, qua possunt, ope, rogam, vti patriæ ciuitatique suæ succurrere periclitanti ne dedignetur. Admiratur non minùs Maurilius, se inuentum & agnitum, quām qui illum agnouerunt. Cum igitur se ipsum negare non posset, fugam fassus, redditum negavit, asserens se & votο, & iuramento constrictum, ne vñquam domum reuerteretur, nisi perditas in vndis claves recepisset. Ibi se demum diuinæ prævidentiae ambages aperuerunt. Nam &, qui ad eum indagandum missi fuerant, visa sua retulerunt, & claves ipsæ è profundo pelagi postliminiò à pisce redditæ testimonium fuerunt diuinæ voluntatis. Excitata est ingens, inter omnes, admiratio, sed præcipue obstupuerunt illi, quibus tantus Præsul, per tam multos annos, verniliter seruīt. Itaque quem vt hortulanum habuerant, iam vt Præsulem venerantur, ignoscique sibi petunt, quod incognitum non tractarint pro reuerentia & dignitate. Maurilius tot pulsatus argumentis precibüsque fatigatus nondum tamen plenè consensit in redditum, nisi prius os Domini consuluisset. Inducias igitur, in alterum diem, petiuit, totamque vigilijs ac precibus noctem impendere statuit, vt mentem opemque diuinam imploraret. Cœcubia nocte, per uigilio fessum lenis sopor oppressit; ibi Angelus adfuit eumque ita affatus est: *Surge, Maurili, & populum te requirentium exequere votum. Ecce enim tuis precibus & meritis tibi commissus Dominus seruauit ones, pro quibus rogasti, & insuper reddidit puerum, quem diutius plorans quaesiisti.* Facto die, non minore luctu eorum, quos relinquebat, quām gaudio illorum, quos comitabantur, ad

tur, ad nauim deductus est. Domum vbi venit, ad defuncti pueri & iam septem annis sepulti tumulum accessit, terraque eruta, in genua procumbens, longam, cum vberimo fletu, orationem ad Christum effudit. Qua finita, vtrique consurgunt. Maurilius de oratione, & puer de morte: quem consecratum, ex euentu Renatum appellavit, habuitque post se, in Episcopatu Andegauensi Successorem, & ipsum miraculorum grandium patratorum. Sic Maurilio defunctus puer, Maurilius populo suo redditus, maiore cum gaudio & honore domi exceptus, quām, in exilio, ad nauim, ingenti hominum multitudine concurrente, deductus est. Sic clavium repartarum fors Maurilium domum reduxit. Verū, vt de Vlpianus in muneribus dici assolet, ita & hīc nec omnia, nec passim, nec ab omnibus imitanda sunt. Itaque ne aniculae, cum his talibus, friuola, & Proconsulis, gerris Siculis vaniora, permisceant, & Hiberas neniae Ägyptiāg, ex epist. D. ut D. Hieronymus ait, portenta secentur, prouidē scoria ab auro Seueri & An est separanda. Quid si Maurilius, claves in mari sepultas, putattonini Imp. set nunquam, sicut ferrum ad securim olim, naturas, atq; ea lo- S. Hieron. quendi formula indicare voluisset, se quoq; nunquam redditum, in 12. qq. atque ita non ipse sortes, aut signum reditus à Deo poposcisset, sed Deus non poscenti inuentionem clavium pro sortibus esse consti- tuisset? Quod sāpe euenit nunc, nihil minus, quām de sortibus cogitanti. Vnde nihil hīc in exemplum trahere possunt mali sortium usurpatores.

C A P V T X X X V.

*Quānam exploratio diuinæ voluntatis, per sortes, aut
quæ fors sit licita?*

I.

Nīquam magis inter Scyllam & Charybdim nauigatur, quām cum de Sortibus est disputatio: vtrinque enim sunt scopuli: & qui omnes Sortes damnat, malus est iudex, & qui omnes absoluit, impius usurpator. Recensui varias Sortes, & varios, qui illis vni- sunt, non tamen omnes probauit; improbus autem essem, si omnes reiecisem. Ut ergo tutò, etiam hac ratione, Dei iudicia indagari possint, sequentia dabo documenta.

Primum